



Brčko, 25.9.2023. godine

Brčko: Prezentovana Studija izvodljivosti i Poslovnog plana za Poslovno-preduzetnički centar i inkubator u okviru projekta NESESER

U Omladinskom centru Brčko distrikta BiH dana 20.9.2023. godine predstavljena je Studija izvodljivosti i Poslovnog plana za Poslovno-preduzetnički centar i inkubator u Brčko distriktu BiH. Studija je jedna od dvije prekogranične studije, nastala kroz projekat NESESER „*NEwly established Start-up Enterprise SERVICES*“ koji realizuju Razvojno-garantni fond Brčko distrikta BiH, Grad Loznica i Institut za razvoj i inovacije – IRI, a sufinansira Evropska unija u okviru finansijskog instrumenta prepristupne pomoći (IPA II) kroz program Prekogranične saradnje Srbija – Bosna i Hercegovina 2014.-2020., dok je ugovorno tijelo Ministarstvo finansija – Sektor za ugovaranje i finansiranje programa iz sredstava Evropske unije

Studiju izvodljivosti pripremila je kompanija *Milestone Solutions* iz Sarajeva sa svojim strateško-razvojn timerom kroz skup ekspertiza projektnih informacija, demografskih i socio-ekonomskih podataka za Brčko distrikt BiH prema kontekstu razvoja budućeg preduzetničkog centra / inkubatora definisanom NESESER aplikacijom.

Predstavnik kompanije *Milestone Solution* Ermin Mujkić ističe da je svrha studije da objasni šta poslovno-preduzetnički centri / inkubatori donose lokalnim zajednicama sa detaljnom analizom poslovnog okruženja, tržišta, dugoročne finansijske održivosti i preporuka primjenljivih kroz najbolje prakse.

„Na ovaj način studija će se replicirati i na drugim lokalitetima u Srbiji i BiH što će biti široko promovisano i to sa akcentom na mlade i razvoj ženskog preduzetništva“, izjavio je Mujkić, te naveo je prema statističkim podacima 60 posto nezaposlenih žena, te da su kroz studiju nastojali napraviti strukturu koja bi mogla pomoći ženama i mladima koji imaju preduzetnički spektar za pokretanje vlastitog biznisa.

Među prisutnim gostima na prezentaciji Studije izvodljivosti i Poslovnog plana u Brčko distriktu BiH bili su predstavnicima vladinog i nevladinog sektora, društvenog i kulturnog života, te predstavnici prekogranični tima na projektu NESESER iz Republike Srbije. Ovom prilikom najavili su prezentaciju Studije izvodljivosti i Poslovnog plana za Poslovno-preduzetnički centar i inkubator u Gradu Loznica, koja će se održati u Loznici u utorak, 26.9.2023. godine.

Projekat sufinansira Evropska unija





Slika 1: Prezentacija Studije izvodljivosti i Poslovnog plana u Brčkom

Projekat sufinansira Evropska unija





Slika 2: Prezentacija Studije izvodljivosti i Poslovnog plana u Brčkom



Slika 3: Prezentacija Studije izvodljivosti i Poslovnog plana u Brčkom

Projekat sufinansira Evropska unija

